



陝西小學師範書	
書號	D631.915
卷號	原12602
00776	

盤屋縣鄉土志目錄卷下

卷之七

人類

卷之八

戶口

卷之九

氏族

卷之十

宗教

知縣左一芬編輯

卷之十一

實業

卷之十二

地理

卷之十三

道路

卷之十四

物產

卷之十五

商務

盤屋縣鄉土志卷之下

人類

本境祇漢人一種並無他種如番猓獠黎等民族從前同治初年回民禠居本境自民回相仇後賴兵力勦平剷除淨尽回民絕跡矣

戶口

本境向分民屯更以現在寔數計之共三萬七千一十二戶共男女一十八萬餘口按舊志康熙時男女共二十三萬四千三百餘口盖因屢經兵燹民生凋敝已非復全盛之時所可比拟尤其甚者光緒二十六七兩載大旱斗米錢數千老弱轉徙少壯流離暗中消耗盖不知凡幾矣

氏族

趙氏為周造父之後周穆王時為王御八駿馬封之趙城
後人因以為氏明趙可行其先自山西洪洞縣遷居本境臨
川堡至今歷二代後裔仍居焉

王氏黃帝虞舜後秦時有王翦至漢分封食采得
氏二十有一惟太原瑯琊二族尤著其後裔散居各處明
有王璽居本境之辛街里至今歷二代凡十六世

張氏黃帝第五子為弓矢主祀張為張氏明正德
進士張幾居本境辛街里至今歷二代

李氏臯陶之後世為理官後改姓李周有老子明進士

李矩世居本境辛街里至國初有二曲先生後裔蕃盛
凡十八世

陳氏虞舜之後胡公封於陳其後以國為氏唐有進士陳
鴻本朝有陳慶門世居本境圪搭頭堡歷唐至今凡五十
五世

鞏氏周卿士鞏簡公後元時有鞏遵其先世朔州人遵父
遊秦愛終南山水因家於本境之西炭村傳至今尤盛

劉氏係出陶唐劉累之後春秋時士會入秦其處者為劉氏
明劉士英居本境辛街里凡二十一世

路氏黃帝分支於路以國為氏漢將軍路博德平州人即

今之邠州至國朝中葉有路德居本境終南鎮其後裔七世
仍家焉

外此丁村魏氏胡家村胡氏李黃里馬氏終南任氏甘溝
司氏豆村里郭氏終南里吳氏陳家村周氏亦皆蟬聯科
第為里中望族并以附志於編

宗教

自海禁大開准外洋通商傳教天主耶穌兩教人到處設堂
勸入彼教天主教堂設在縣北街福音堂設於縣南街西
鄉啞柏鎮七曲堡竹峪堡閻家社以及南鄉之四女塚東鄉
之司竹府馬家村焦家巷趙代村徐家村圍棋寨南集賢
神靈寺半個城上塢子北市村臨川寺柏樹店東岩村元
馬店樓觀台諸處均有分堂中式西式統計二十三處入
教者天主教尤多於福音教其實在人數無從查攷惟
入教者源源不絕約舉居民十之二其他如喇嘛黃教
紅教均無之

實業

本境民人向係專重農業為士者亦皆半耕半讀故本境
民人以農夫為多十人而允工則間有製造農家木竹
各器多在本地銷售亦無特別製造品類商則無大資本
家其在本境縣城及終南啞柏祖菴馬召四大鎮開設行
店者貨物之運行不能遠及他境利微本小不過藉資
糊口其餘則貧家子弟小本營生惟工商兩種人亦

半兼務農業

地理

本境在省城之西南距省一百五十里屬首府西安轄境
本境東至鄠縣界六十五里西至鳳翔府郿縣界四十里南
至佛坪廳界一百七十五里北至乾州武功縣界二里半

本境向分三十六所每所管村堡十餘及數堡不等又為
四十里每所有總約每里有里首現因開辦學堂每所由民
間公立初等小學堂一所分城鄉為五學區中學區東學區
東南學區西南學區西北學區茲將區內古蹟祠廟分隸
開列於左

城內中學區

文廟在城東南明大德十一年建明代屢修本朝順治間知縣張成功駱鍾靈重建康熙間知縣章泰董霑增修乾隆時知縣鄒儒徐大文更葺而新之

文昌廟即在學宮左旁知縣章泰所修

關帝廟在東門內左右為名官鄉賢祠乾隆時知縣徐作梅率商民捐修之

城隍廟在縣署西街

瑞光寺在西門內

鄴侯祠在縣署大門內

武孝子祠在縣大門東旁有任烈婦祠祀明生員任愴妻

馬王廟在縣署東馬號內

城內設官立兩等小學兩所一在縣東街考院內一在縣西濱
武廳內

城東門外設高等小學堂一所三十二年署知縣陳官韶修建
知縣左一芬附設師範傳習所於小學堂內分學區為五
中學區東學區東南學區西南學區西北學區

縣東區

甘野啟與扈戰於甘野作甘誓本境甘谷水出處日甘河即其地
司竹園本境東十五里唐平陽公主起兵處

五郡城本境東三十里與樓觀近舊說兄弟五人並居此東

坡有五郡詩

南溪亭即東坡與張李二君醉遊濯足處

太平真國觀本境東三十里終南鎮宋太宗勅建因
以年號名

遇仙宮本境東六十五里甘河鎮昔王重陽為是鎮酒監
有二仙人日索酒重陽飲之二仙邀重陽飲以瓢酌河
水皆良醞也遂醉而得道後人於此建遇仙宮

重陽宮本境東六十里本名留蔣村後改為雙溪今稱祖菴
鎮元季庚子王重陽嘉門徒既會葬嘉復於此興建樓

閣名重陽宮

筠溪亭在重陽宮北邑人李道為堂吟詠其中詩名筠溪集
鄭公祠祀知縣鄭達在東門外今為三官廟

王母宮在本境三里

終南鎮為合縣第一鎮市店二百餘家

滯河橋在滯店為盩鄠交畛處

祖菴鎮合鎮市店百家有縣丞駐鎮

東南區

蓮花池館在本境東南二十里遺址猶存

杏林莊本境東南五十里唐盧綸避亂隱居於此號杏林居士

樓觀本境東南三十里本尹喜草樓亦名紫雲樓後人創

立道宮名曰樓觀

老子祠即說經台在樓觀南三里老子於此說道德五千言
授尹喜有授經台又曰昇天台

尹喜祠本境東南三十里三清殿北文始殿即其故址

會靈觀在說經台東即唐元宗夢老子處也

呂公洞在本境東南三十五里唐呂岩隱居之所洞前有亭
亭左有七星樓

卧牛池舊傳老子入關弟子徐甲牧牛卧牛於此

上善池在說經台之麓池上有趙松雪隸書碑

仰天池本境東南四十五里南山頂池廣二畝餘水深數尺冬夏

不涸

化女泉與棲觀近舊傳老子植杖化一女子以驗徐甲之心及拔杖水湧出故名

再生柏在說經台舊傳老子說經於此見二柏枯針灸之復生
一曰針柏一曰灸柏今惟針柏存焉

晒丹石又有丹井老子於此鍊丹取水

望仙澤本境東南三十七里中有龍尾堆

老子墓在望仙潭附近

駱公祠祀知縣駱鍾麟

馬召鎮合鎮市店百餘家

西南區

温湯本境西南三十里即今之煖泉

葦園宋時司竹監同典之

仙遊寺本境南三十五里一名仙遊宮隋文帝嘗避於

此唐王子安白香山宋蘇軾均賦詩

仙遊潭本境西南三十里即黑水潭寬二丈號五龍潭

宋時每歲中使投金龍祀之多應石壁峭絕宋蘇軾

章惇同遊惇歷險以漆書壁處

玉女洞在仙遊潭左近洞門高四尺濶三尺為秦弄玉吹簫

引鳳處洞有飛泉名玉女泉甚甘冽東坡遊此作調水符

漢丁公墓漢高祖斬丁公葬於此

李布墓在本境西南距啞柏鎮三里

宋趙瞻墓本境西南之十里有碑

本朝李二曲墓在本境西南蔡原堡之南

西北區

馬融石室本境北三十七里東漢馬融從摯恂曾孑於此又一說
在城西一百步即東坡題詩處

李二曲祠在西門外舊為賢母祠祀二曲之母彭氏後知縣徐大
文修之兼祀二曲

啞柏鎮合鎮有市店百餘家

陽化堡橋距啞柏鎮十里

地理

山

終南山在縣南二十三里東接鄠縣西接郿界

四方山在縣西南

傲山在縣南

三台峯在縣東南二十里

韋谷在縣西南五十里與郿縣接界俗謠為泥谷其水自南山流下至青化店

駱谷在縣西南三十里又南八十里為十八盤又南十里至河底為故駱谷閔通洋縣

黑水谷在縣南二十三里一名芒谷

沈嶺在縣南五十里

就谷在縣東南三十里

太微峯在縣東三十五里

田谷在縣東南三十五里

石樓山在縣東三十七里

五福山在縣東南五十里

赤谷在縣東南五十里

甘谷在縣東南七十里

九峯山在縣東南六十里

水

渭水在縣北五里自鄆縣流入又東逕興平入鄆縣界

強谷水在縣西一十里源出強弩北流五里合稻谷水又北
徑陽化鋪為陽化何東北入渭

駱谷水在縣東二里洛谷水出南山洛谷北流徑長安西入渭

黑水河在縣東十六里芒水出南山芒谷北流徑玉女房又北

徑竹圃分為二流一水北流注渭其支流自竹圃西北入渭

就谷水在縣東就水出南山就谷北徑大陵西北與黑水合水

上承三泉就水之右三泉奇發言歸一瀆北流左徑就水又

北流注於渭

田谷水在縣東二十里田溪水出南山田谷北流注於渭

赤谷水在縣東南北流注於渭

耿谷水在縣東五十里北流與柳泉合又東北與赤水會

甘谷水在縣泉六十里接鄠縣界東合滂水

滂谷水在縣東七十里谷岸西為本縣境東為邠境北流滂

店入興平

暖泉在縣西南二十里北流入渭

白龍泉在縣城北

堰

洪隆渠在縣西南三十五里引車谷水西流入滂池

乾溝河在縣西南二十五里即強谷水下流

天河渠引鳳里泉水北流經上寶谷昌谷坊灌田三頃六十畝
觀音渠引暖泉水東北流逕南旺堡

聖澤渠在廣濟渠西南雍正四年引黑營溝水北流經方家

山至高廟斜里等堡以供食用

廣濟渠在辛口谷西南引西駱谷水北流雷神寨諸處又北流入渭

興隆渠由廣濟渠東岸支流以溉辛寺南望等田數頃

紅巖渠即黑河支流盧河西開渠北流三里為二渠一渠灌

田三頃一渠堙沒

黃堰渠在黑河東開渠灌上下姚行等田十六頃

就谷渠引就谷水西支為渠灌田二頃七十畝

沙河在縣東二十里沙泉流出

貢院泉渠在縣東十五里引貢院泉水灌淇水堡田一項

龍灣渠開自明萬歷年間實係天井葦園之末流

並非龍泉下流也

磨渠田谷水西北流灌焦家堡田三頃七十畝

甘谷渠從甘谷口出係白廟十八村人畜食用不灌田

永濟渠此渠昔名泥渠為黑河支流灌漑田禾一百五十畝

後因黑河暴坤不能灌田

道路

本境城內東門至西門二里半正街巨條東西街一北街
一南街一東門內北邊草巷石頭巷北菴巷南邊東北街
巷共四巷西門內北邊西背巷南邊張家巷中背巷仁
義巷共四巷南門內東西兩巷北門內無之

由本境出西城門往郿縣大路十里至四屯堡又十里至陽化
堡又十里至啞柏鎮又十里至青化鎮與郿縣交界餘均
赴鄉小路

由本境出東城門往鄠縣大路東北往渭河渡口並無村
堡正東十里至司竹府十里至油坊頭十里至終南鎮由終
南迤東南至祖菴鎮二十餘里終南東十里至藥王洞十

里至尚村十里至運渠十里至滂店十里至鄆縣交界

由本境出北城門至清水河二里半武功交界

由本境出南城門赴馬召鎮大路其餘赴鄉小路南至富饒庄
十里又十里至馬召鎮五里至黑水峪四十里至仙遊寺六十里
至柳葉河二十里至斗嘴三十里至老君嶺五里至佛坪

廳交界

本境迤南一帶盡係終南山山峪路途崎嶇峪口著名十七處開
列於左

泥峪 車峪 經峪 西駱峪 尉火斗峪 辛口峪 黑水峪 黃巢峪
就峪 赤峪 景峪 馬岔峪 甘峪 滂峪 田峪 虎峪 團彪峪

物產

動物牛羊猪鷄鴨魚為多專供本境食品其牛羊皮角則間有運至他處出售者為數不多

植物向以秋禾為最二麥居半外則粟高粱苞谷竹林槐柳等類間有編造農家所用之竹藍篩子枷板木質各器專供本境所需在本境製造行銷不及他境餘則蠶繭每年約出一萬餘斤用以製造絲線無織成綢絹者絲質不甚紉白棉花則每年約萬餘斤專用以製冬衣不能織布藍靛年出之數以染布疋

商務

本境所產糧食多半在縣城及鄉鎮開設行店略敷

本境所食不足則取之鄰邑如武功之麥是也

他境之貨如布則由湖北岳口來每年銷售為數亦無幾
磁鐵由南省運來在本境行銷均係零星陸運外此如
糖則由川省鹽則由山西省酒則由鳳翔運來銷售以鹽
為多他項零星不詳載於篇

